

渝志 120

地 620.15
541

甘肅大通縣風土調查錄



甘肅大通縣風土調查錄叙言

民國紀元之十有四年冬解梁

薛公來長隴政甫下車即檄

守仁

宰大通臨別贈言諄諄以潔

己奉公勤政愛民為訓勉既刊行政簡要方針與百僚共期化
成復

令編風土調查錄藉以周知民間疾苦洞悉地方利弊汲汲求
治意至美法至良也守仁奉令承教弗敢失墜分類調查勉企
翔實凡十越月乃得端緒縷晰條分編述如左
起例發凡提綱繫領庶政聿脩有條不紊編第一類總綱

脩明內政鞏固家邦凡百政務庶幾改良編第二類內務
天不愛道地不愛寶因利利民惠而不費編第三類實業
任土作貢富國利民上下相益端賴會計編第四類財政
十年樹木百年樹人育才養士開通民智編第五類教育
稽古司寇維掌邦禁詰姦刑暴法令持平編第六類司法
徒杜輿梁各因時成披荆刈棘通商惠工編第七類交通
招攜以德懷遠以禮世界大同環球重譯編第八類外交
凡茲八類綱舉目張足以為敷政布治循序漸進之塗輒者試
證之周禮乃愈信其概括靡廣矣周禮太宰掌邦之六典以佐



王治邦國以八法治官府以八則治都鄙以八柄馭羣臣以八
統馭萬民以九職任萬民以九賦斂財賄以九式節財用以九
貢致邦國之用以九兩繫邦國之民彼其所以設官分治詳覈
盡善者開吾國政治之先河吾國數千年來知以官禮為致治
保邦之根本法者在宋惟王介甫當時儒生俗士狃於章句之
陋習羣起破壞不遺餘力使介甫所志未遂致蒙詬病良用慨
然在

薛公規定八類編調查錄亦深悉夫吾國政治必推本於官禮
師其意而不襲其名變通化裁妙用正無窮也彼其襲歐美之
名稱昧中國之內情日日言改良而政治日趨於不良讀
薛公推本官禮遺意所編定之調查錄能無廢然返耶書成勉
綴數言於簡端豈敢僭以為叙自謂於老馬識途矇瞍奏公或
其有當

中華民國十五年十二月二十二日署理大通縣知事鎮番聶
守仁謹序

甘肅大通縣風土調查錄

第一類 總綱

沿革 前清雍正年間設大通衛於北大通城至乾隆二十六年改衛設大通縣於白塔城至今仍舊

面積 東至燕麥川接西甯縣威遠堡界西至黑林閣門外接青海界南至黃家寨接西甯縣長甯堡界北至大雪山接甘肅州界縱橫約三百里面積約三千五百八十方里

區劃 縣境三十三堡共分五區

中區 毛百勝堡即縣城

東區 祁家堡古婁堡破門堡新莊堡舊莊堡涼州堡河州堡向陽堡共八堡

南區 廟溝堡永安堡柴家堡平路堡東流堡黃家寨楊家寨毛賀堡石山堡新添堡共十堡

西區 多洛堡陽化堡遜讓堡極樂堡雪溝堡良教堡樵漁堡共七堡

北區 李家堡阿家堡元整堡多隆堡興隆堡豐稔堡紅山堡共七堡

地形 縣治分山南山北其形似城外川南關也一入閣門東



西兩山有如城牆河東河西東峽有如街巷北至大寒山有
如北城牆踰大寒山則紅山一堡有如北關屹立焉

平原 縣城周圍並南至黃家寨九十里均為平地北區自東
峽起至下達坂山至北大通均係一起一伏之地

經緯 縣境東西緯度約三十七度一十四分南北經度約一
十五度二十分

氣候 天氣最寒每年三月底冰凍始解至九月初已下雪凍
冰每年雪多雨少即六月溽暑人民尚著袷衣大約最熱溫
度在攝氏寒暑表六十^度以下最寒冰度在十度以上

土司 土司千戶一員土官人馬頭五名管理牧地事務所有
番民均歸縣管理以牧畜為生活羊毛羊皮為產物

建築 縣城建脩於雍正三年補葺於民國二年城內關岳廟
一所未悉建於何時鼓樓一座奉令改為明恥樓西關城隍
廟一所山陝會館一所城南永壽山雷祖廟一所城內西街
文廟一所東街衙署一所縣署西偏管獄員公署一所建築
於民國三年

古蹟 縣屬境內凡金石碣碑坊表等項無從攷查

名勝 縣城三十五里有元朔山人又名北武當石磴盤梯川

流繞帶山頂有大元宮即關帝廟土人又呼老爺山此外古廟不可勝計盛夏花禮名野芍藥每逢六月天貺士民遊集稱大會焉北有巨石高二丈許監司龍膺題名海藏又北一洞原為虎穴昔有僧人來居於此虎遂徙去洞名慈藏俞安所題也西崖雄鎮是為新城一綫中穿乃通西甯要道人物大通前係番地自清初開闢榛蕪始有居民史乘所載除科第中陳陳相因之朽腐歲貢措大生監而外別無所謂錚錚佼佼之人物可先史冊謹敬闕文不敢冒濫紀載

山川 大寒山即達坂山高約五千四百餘仞係石山無森林

金鵝山高約一千五百二十餘仞無森林上有居民開墾元朔山高約九千五百丈上有森林不甚茂盛

東峽川在縣境東北至下達坂山根約五十里距城二十里北川在縣境南自縣城至黃家寨接西甯縣界約六十里惟職縣平川地少地形高而河形下不能引水灌田故連年亢旱並無水患之災

湖泊 大通地屬西邊極高之處各山所出之水直向東流並無積注湖泊

沙漠 大通縣屬各山均係石山土山並無沙磧之處

宗教 回教本地回民及外來流寓之回民均奉回教各鄉故

有清真寺並有老教新教新新教各派別

佛教縣屬九寺番民及蒙民均奉佛教有紅教黃教之派別

耶教縣城及新添堡大老虎口均有天主堂及福音堂附近

居民信各教者甚多

總計各宗教中而比較其盛衰變遷則佛教久已消沉不過

假託禮佛收徒以資養而己於宗教毫無發展天主福音

各教傳教者均挾市道人教者多係盲從甚或利用教民武

斷鄉曲兇藉牧司挾制官宰於教旨教義毫無裨益可言惟

回教派別雖多團結甚固握有實力傾向者眾然而為教規

所束縛鮮知順應潮流強武悍獷是其特長第一期^之團結雖

力第二期之進化仍難者實為各宗教所受之普通障得正

不僅回教為然也

風俗 婚嫁民間甲男乙女如果門戶相對先由男家請媒二

人往說女家如女家允許媒人通知男家按本地風俗備禮

茶二封由媒人先送女家謂之定婚又由男家預備酒瓶一

對媒人送到女家同父母兄長開瓶先祭祖宗女之父兄合

家同媒證吃酒其互換庚帖之事向不講求迨後擇期先送

7
大布一對錢一仟此係古來之風俗現今增多或加斜布兩對或三對錢三仟或四仟不等胭脂粉喜花首飾全備俗謂之小酒禮然後兩家擇定吉期又送大禮家道富饒者按先年之古規至多不過大布八對錢八仟家道平常者大布四對錢四仟謂之十六表禮八表禮現今增至布十對或十二對錢十二仟或十五仟另加紬緞料子二三對押桌銀十兩或二十兩不一而足但世道愈趨愈下人情日趨奢侈家寒為子婿娶送禮萬難失婚期而誤生齒有碍民族為害甚巨此等風俗亟應嚴加取締

喪祭 漢人喪祭一遵古禮大致與各縣相同土人亦與漢人相同惟回人葬不用棺用布束屍葬於土壙之中並不設祭祭祀惟請阿訇念經而已番民多用火葬蒙民亦用火葬葬後即散並無墳墓可祭亦無祭祀習慣

慶祝 漢民慶祝向來以元旦元宵端陽中秋冬至腊八為定期改革以來又以法定之國慶日為期土人習尚慶祝均從漢俗回人以齋馬日朝拜清真寺每逢年節先一月閉齋日出後再不飲食須俟日入以後乃得飲食閉齋滿月後至下月初三四日望見新月即行開齋若初三日晚陰月不出

現初四日即行開齋慶祝新年番民奉佛教每年正月十五日或六月各寺番僧齊集演會謂之跳官景裝神怪鬼魔之象鼓吹跳舞馬面牛頭備極幻怪并用酥油作成人形用刀斬成兩段抽腸出膽備形慘毒謂之殺年羹堯蓋因清初番民受年羹堯之毒荼甚烈怨毒流傳至今未已斯又於慶祝期間含有國恥紀念之意味也

交際 無論漢回土人互相交際均以茶封糖包為常儀番民亦以茶封糖包為常儀惟上蒙絲巾一塊番語名曰哈達上有繡佛象者最精多係絲麻織成者彼此交換哈達乃番民最重之禮節再重則嗜嗜藏香等物各隨感情作用以定厚薄惟與回人交際忌用猪肉煙酒等物贈入境間禁尤應注意至於交際之儀式漢回土人或相揖或相向鞠躬惟番民則合十禮佛伏首至膝甚為恭敬

服裝 漢回服裝相同土人男子服裝亦與漢回相同惟婦女束髮作兩三長辮垂之身後與長袍等服大袖五色長袍戴毡製大帽兩耳大銀環各一有鑲珠石者項垂長帶上綴銅佛銀花骨刻各式花牌有重至三四斤者與古裝女子相同番民多穿皮衣毡襖皮靴皮帽身披紅褐或嗜嗜袈裟其

男婦所穿大衣甚為寬長腰束一帶凡有零碎物件均貯於胸前胸後尤以皮衣為儲藏隨身物品之地其服裝之式番人蒙人土人各自不同者如此至如迷信佛教神話以脩廟塑像為功德而傾家蕩產趨之不吝者除回人為教規所拘束不肯隨俗迷信外漢民土人番民蒙人均有特殊之迷信牢不可破俗尚儉樸山歌野曲番漢相雜放鷹逐兔馳馬射獵之遊樂漢人惟男子嗜馬蒙番土人則男女騎射飲酒不以為忌未開化之民族無怪其然也

習慣 除回民因宗教禁制不敢飲酒吸煙漢人土人番民均嗜酒好馳馬放鷹射獵番民冬夏均穿皮衣夏則毛向外穿以防雨冬則毛向內穿以傳熱其日常生活大概以牛肉乳餅麩茶為需要品漢民土人間有住毛毡帳房游牧草地者番民亦有修建房舍聚族而居仿漢民土人者漢回土人多通曉蒙番文字語言常與蒙番互市以博微利

民情 大通縣漢民淳樸勤務農業回民强悍務農者半射獵挖金鑛者半土人與漢民相同番民多信佛教皆務農牧畜若有遺財死後即捨施佛寺不娶妻生子而以收徒承繼為相沿不改之習尚

政績 黃仁治善化人同治十二到任時值兵燹地方凋敝民氣未復仁治下車辦理善後百廢俱興著名逆酋江湖三馬福壽蘇有成等盤踞縣境時為民害仁治設法翦除民始安枕哭黎十餘萬安為安撫不至失所又捐俸修崇山書院並設義塾農業耕士向學治化大行期滿去任民無老幼攀轅泣送如失慈父

賈勳字政雲江蘇上海舉人光緒八年調署大通以振興學校培養人材為急務未及期月化行俗易兼以折獄才長鄉民敬服幾於無訟悍回馬福壽者由福建派所逃歸將謀作

亂即捕獲治之法並擒誅搶犯馬保元趙麻鄉老柳毛頭子等數人由是邑中盜賊自行斂跡人民謳思今尚未已

物價 各種物價較之往年如小麥向昔每石價銀十兩有奇現時每石價銀四十兩之譜以此合計已超過三四倍矣其餘各物價均可類推物價過高原因如糧石一節近來生齒日蕃加以連年收成歉薄每歲饑饉荐臻所以致傷農家元氣五穀之價遂以增高日甚一日其餘各物增高之原因均在於斯全年如此無甚最低時間

用度上中下三等家庭生活用費平均數目每日平均一元餘

每月平均三十餘元按一家合計以十口一家為度

工資 各種勞動每日農家平均工資一角及二角不等全年
工資比較則於往年超過甚大其原因在衣履以及器用蓋
勞動即是做工身上之衣履等件極易破壞近年皮毛梭布
價值日增工資不增衣履維艱如往年全年工資三十餘元
近年已逾七八十元可見此工資超過較往年在兩倍以上
失業 大通縣全境失業男女約在三千二百八十餘丁口皆
因連年災歉糧價昂貴生活程度日高地方益形困苦無法
為之救濟也失業以後對於社會上嘗發生一種游惰好閒

之情民更甚者則覬覦小康之家甘為贅壻以圖安佚救濟
此種失業游民惟在力謀職業教育之發展與工廠之容納
耳

第二類 內務

人口 全縣人數男四萬八千五百四十丁女三萬八千三百四十三口現在戶數共一萬六千一百一十戶均本國人其職公務員男女九十三丁口軍人四千五百九十二丁口警士四十二丁口教員一百二十一丁口學生二千一百丁口農業四萬六千三百五十丁口鑛業八千七百九十二丁口工業四千二百一十二丁口商業六千一百四丁口牧畜業二千四百五十一丁口醫士八十六丁口勞力五千六百一十丁口僧人一千二百二十三丁口其他無職業者四千九百三十八丁口此外並無尼姑道士等類生產男女約四千一百二十六丁口死亡男女約三千三百一十丁口

警察 警察所一所設所長一員由縣知事兼任警佐一員僱員一員巡長三名巡警二十七名馬警四名城內本所配置所長警佐僱員巡長二巡警十八名馬警四名西關派出所配置巡長一名巡警九名歲入經費錢三千四百八十餘仟歲出經費錢三千五百九十餘仟其不敷之數由各任知事籌款彌補警察職務上並未死傷人員及救護褒賞恤助檢舉各事項

自治 大通縣自治因地方瘠苦向來並未籌有的款故各種事項尚未進行會商地方紳董正在籌畫辦理

公益 大通舊係漢回番土蒙古雜處之地風氣閉塞人民之企業知識甚為薄弱本地之各種企業如森林畜牧鹽業礦產交流皮毛等項可以藉手競利者甚多特以交通阻塞之障礙與人民知識之簡陋公共企業迄今尚無雛形將來經營海藏必先謀交通之便利以導企業之先河則公益發達即不難一日千里矣

救恤 大通僻居西陲地瘠民貧籌款艱難迄未設有平民習藝感化貧兒教養卹養育嬰濟良等各事項惟慈善一項縣城設有養濟院一處收留鰥寡孤獨盲啞殘廢之人每年春夏秋三季自行乞討度活至冬季寒冷由官紳籌款助給此外有義塚三處一係前清同治十三年湘軍果字營統領將弁創置名曰湖南義院一係光緒年間有四川貿易客民捐資公置名曰四川義院一係本地紳民捐資自置名曰本地義塚此外並未設有棲流借貸救生各局所

選舉 大通自奉文辦理選舉以來已經舉行五次並未選出各項議員

衛生 大通縣屬並未設有專司醫院只有本地醫士數人如民間染疾均皆自赴就醫其歷年治療人數病症區別等項無從考查

保衛 大通縣五區每區設保衛團一處每團委團總一名團副一名堡長六七名或七八名不等於民國十一年成立並未置有器械各團經費由各堡公同擔任亦無的款本年呈明將堡長一律取消每堡公舉村正一名村副一名由公正紳耆充任之

水利 大通縣山多川少除外川十堡引泉灌田外沿大通河黑林河撥科河之地均係山坡不能引水灌田祇能傍河開溝安置水磨藉資周轉利用水利一項為利甚小

社倉 查大通縣原有捐儲社糧倉斗青料一千八百五十四石三斗八升七合二勺義糧倉斗青料一千七百二十三石三斗二升二合於前清光緒二十二年倉儲不敷供支喇嘛衣單口糧儘數詳請借動義社糧倉斗青料三千五百七十七石七斗九合二勺嗣於光緒三十四年請准在於番貢糧內提還義糧倉斗青料一千七百二十三石三斗二升二合社糧倉斗青料六百九石九斗九升七合九勺三抄其不敷

之社糧一千二百四十四石三斗八升九合二勺七抄彼時
詳明俟下屆番糧收有存數再為提還至提還存儲義社糧
二千三百三十三石三斗一升九合九勺三抄均儲縣倉並
未設立社倉地點遵照定章由公正紳士內遴選令委社正
副二名每年春間會同縣知事酌量與各農民借給籽種秋
成後加息一分如數收倉其息糧以七成歸公三成開支社
正副斗級薪工口食訖至今十餘載已收獲各年七成歸公
息糧倉斗青稞一千二百七石四斗九升七合五勺截至民
國十四年年底止現實儲縣倉義社糧本息倉斗青稞三千
五百四十石八斗一升七合四勺三抄如數保存在倉並無

虧短情事

第三類 實業

農業 農產物 小麥 青稞 豌豆 大豆 大麥 燕麥

大菜子 小菜子 羊茅 白菜 紅蘿蔔 白蘿蔔 葫

麻 芥菜 窩笋

作物畝數 約共一萬二千八百頃餘

每畝收穫量 除蔬菜零星不計外各種糧食每畝平均約

收本地市升一斗一二升不等

每畝平均地價約五圓之譜

銷路多半本地自用其餘均赴西甯湟源青海番界等處全

年全縣消費平均以銀計算約略三百餘萬兩

輸出概況除額征款外每年出外小麥青稞豌豆等類糧食

六七千石菜子一千石之譜清油四五萬斤

農會地址設在本城內關岳廟民國十二年六月十一日設

立職員十六名會長田秉華

農事試驗場在於本城東關文廟舊地址面積約十畝民國

七年五月設立由縣署管理

工業 查本地雖有鉄木石畫各匠工做造零星日用之器具

以供民用並無設有工廠亦無資本之設置並無出入之來